



Ikamva-Ukunonophela
abantwana bethu

IsiKolo seCawa 4

Isihloko sesifundo: UYesu eNazarete

Isikhokelo soMzali

Isikolo seCawa saseKhaya



Mzali Othandekayo

Wamkelekile kwisifundo sesiKolo seCawa 4 esithi “**UYesu eNazarete**”

Olu xwebhu luya kunika isikhokelo esingekuphi ngendlela oza kusenza ngaso isifundo.

Uzilungiselela usibeke njani na isifundo

Ngezantsi kukho amanye amacebiso endlela onokusilungiselela usenze ngawo isifundo:

Inyathelo	Omakukwenze
1.	Fikelela kwikhasi lebandla eliTsha lobuPostile ngokufaka okanye ucofe kwikhonkco elilandelayo elisuka kwi-WhatsApp: https://bit.ly/3NACSSHS
2.	Qokelela ezi zixhobo zilandelayo ukuze uqiniseke ukuba usilungele isifundo: • iBhayibhile • Isifundo esikwimo yePDF esele ilungisiwe • Incwadi yomsebenzi womntwana kunye neepensile, iikhrayoni, njl. • Isiqwana sevideo sisixhobo esongeziweyo / sisixhobo esongezelweyo sokuzikhethela Qaphela: 2.1: Elona xesha lifanelekileyo ekufundiseni isifundo kusemva kwenkonzo yakusasa ngeCawa ukugcina inkqubo eqhelekileyo yesiKolo seCawa. 2.2: Nceda usenze sigqale kumxholo (sibe sifutshane) kangangoko, ucingele ixesha labo lokukwazi kwabo ukuphulaphula (ukugxila kwisifundo) sabantwana bethu-umazi kakuhle umntwana wakho! ISikolo seCawa ngokwesiqhelo asidluli kwimizuzu engama-45. 2.3: Isifundo seseklasini ngaye (Umzekel. SS, RI okanye Isiqinisekiso). 2.4: Nceda unxibelelane notitshala wesiqinisekiso ukuba ufuna naluphina uncedo okanye ufuna nasiphina isixhobo kwezi zingasentla.
3.	Thandaza (jonga umthandazo osekupheleni kolu xwebhu) kwaye ucele uThixo ukuba akusebenzise njengesixhobo sokuzisa isifundo ngendlela ayakuthanda ukuba sisenze ngayo.



Ukwenza iSifundo seSikolo seCawa ekhaya

Uzilungiselela usibeke njani na isifundo

Siyaqhubekeka ukwabelana ngamacebi athile ngendlela esinokuthi silungiselele ukwenza isifundo:

Inyathelo	Omakukwenze
4	Dala indawo yokufunda emnandi, engenasiphazamiso apho wena nabantwana nikwinqanaba elifanayo. Umzekelo: Hlalani phantsi okanye ningqonge itafile.
5	Funda isifundo. Phinda ufunde isifundo ukuze usiqonde. Bukela isiqwana sevideo sesifundo ukufumana ulwazi olungcono lwesifundo.
6	Zenzele amangaku kwiingongoma ezibalulekileyo ongathanda ukuzikhumbula.
7	Yiqonde injongo yesifundo ekufuneka sikhunjulwe ngumntwana wakho.
8	Fundisa isifundo kumntwana wakho.
9	Mbonise umntwana wakho ivideo kwaye uphinde ugxininise kwintsingiselo.
10	Jolisa umntwana wakho kumsebenzi okwincwadi yomntwana
11	Thandaza, okanye ucele umntwana wakho athandaze ukuvala isifundo.

Izixhobo ezifumanekayo ngokweSikolo saseKhaya

Nazi izixhobo zokuphucula umgangatho wesifundo:

1. Incoko ka-WhatsApp ngesifundo kunye nolunye usapho olunomntwana okwisiKolo seCawa 4.
2. Xoxa ngesifundo nabanye abazali ukuze ufumane ingcaciso ngokubhekisele kwisifundo ngaphambi kokuba usifundise.
3. Zive ukhululekile ukwenza olwakho uphando ukumana iinkcukacha (ezongelelekileyo).



Isifundo

Isihloko seSifundo	UYesu eNazarete
Isicatshulwa seBhayibhile	Luka 4: 16-30
Injongo yesifundo	Abantwana bayayibona indlela eyaliwa ngayo iNkosi uYesu eNazarete. Umnqweno uyavuselelwa kubo ukuba bamamkele uNyana kaThixo.

Isishwankathelo sesifundo:

- UYesu Krestu waya eNazarete, apho wayekhulele khona. AmaNazarete ayesele evile ngemimangaliso kaYesu kwaye ayelindele ukuba enze njalo naseNazarete.
- Ngomhla weSabatha wangena endlwini yesikhungu njengoko wayeqhele ukwenza.
- Waphakama ukuze afunde iziBhalo kwaye omnye wababhali wamnika uYesu incwadi yomprofeti ulsaya.
- Wayivula incwadi esongiweyo waza wafumana indawo obhalwe kuyo. “UMoya weNkosi uphezu kwam kuba undithambisele ukushumayela iindaba ezilungileyo kumahlwempu. Undithumele ukuba ndibhengeze inkululeko kubathinjwa kunye nokubona kwakhona kwiimfama, ndikhulule abacinezweyo kwaye ndibhengeze ukuba lifikile ixesha lokuba iNkosi ibasindise abantu bayo.” Oku kwakukuthunyw kukaYesu okuvela kuThixo.
- Emva koko uYesu wayisonga incwadi esongiweyo, wayibuyisela kumbhali, wahlala phantsi. Bonke abantu ababesendlwini yesikhungu bajonga kuYe, njengoko wayetshilo ukuthi: “Namhlanje sizalisekile esi sibhalo njengoko nanisele nisivile nokufundwa kwaso. Ngokuthetha oku, uYesu watyhila ebantwini ukuba unguMesiya othenjisiweyo othunyelwe nguThixo.
- Kodwa, abantu babengamqondi uYesu kwaye babengakholelwa ukuba unguMesiya owabhengezwa ngumprofeti ulsaya.
- Baqala ke ukuba nomsindo ngenxa yamazwi aKhe, bamkhuphela ngaphandle komzi.
- Bade bafuna nokumtyhalela eliweni, kodwa uNyana kaThixo wahamba nje phakathi kwesihlwele esasinomsindo wahamba indlela yakhe.



Sithetha ukuthini esi sifundo kuthi namhlanje?

- Abantu baseNazarete babengakholelwa ukuba uYesu unguMesiya othenjisiweyo, abazange bamamkele, babefuna nokumenzakalisa.
- Sifuna ukuyamkela iNkosi uYesu ngokukholwa nokukholosa ngayo nakwiimfundiso zayo.
- Nangona u Yesu wahamba, akazange ayeke ukwabelana ngothando lukaThixo, ukuphilisa kunye nokuxolela. Nathi, kufuneka sifane noYesu kwaye sikhethe indlela engcono kaThixo nakwiintsuku ezimbi.

Eminye imibuzo esinokuyibuza:

1. Waya phi uYesu ngeSabatha xa wayeseNazarete?

Ipendulo: Kwindlu yesikhungu.

2. Lwaluyintoni uthumo lukaYesu oluvela kuThixo?

Ipendulo: Wayethunyelwe ukushumayela iindaba ezilungileyo kumahlwempu, ukuphilisa iimfama kunye nokusindisa uluntu.

3. Ingaba abantu babeyiqonda kwaye bekholelwa kwinto eyayithethwa nguYesu?

Ipendulo: Hayi, babengamqondi, kwaye bengakholelwa ukuba unguMesiya.

4. Benza ntoni abantu kuYesu?

Ipendulo: Baye baba nomsindo, bamgxothela ngaphandle kwesixeko kwaye bafuna ukumtyhalela eweni.

5. Wenza ntoni uYesu?

Ipendulo: Wahamba phakathi kwesihlwele esinomsindo kwaye wahamba indlela yakhe.



Umthandazo katata noMama wokuthandaza ngaphambi kwesifundo:

Thixo othandekayo, enkosi ngale mini

Sikelela bonke abazali kunye nabantwana

Kunga singeva ubukho bakho

Sikelela isifundo esiya kuba naso

Nceda usifundise sikukhonze njani

Kwaye sincede senze intando yakho

Ukuze sisondele kufuphi kuwe

Thumela uYesu ukuze asiphuthume

Kwaye kwanga singakulungela ukuhlangana naYe

Amen